



Liävvuttemes ääigi-uv puátih juovlah

Uđđâ testamentist láá kyehti juovlâmuštâlus. Uápis Luukas juovlâevangelium valdâl luholijd, veikâ-uv oovtkiárdánijd tábáhtusâid Betlehem seeimâ pirrâ. Ucceeb tubdum Matteus evangelium juovlâmuštâlusâst láá eenâb uhkedeijee tubdâmušah.

Matteus muštâlusâst Joosef kuávdálist, ete váldá-uv sun Maria kálgunis já eskân engâl almostum visásmit suu. Ton maŋa kunâgâs Herodes keččâl finniđ nuortâ tiettei peht čielgâsin eidu šoddâm Jeesus orroomsaje. Ko tot ij luhostuu, te Herodes hirmástuvá já piájá Betlehemist joton párnái surmim. Joosef kiegân tuálvuđ perruus patârâsân Egyptân.

Tai juovlâi Matteus juovlâmuštâlus kuuskât eromâšávt. Eellim lii tääl-uv, áármu ive 2022, herkki. Euroopast lii algám vijđes suáti, mii šoddâd uhkekuuvijd oles maailm oolâ. Tuššâdem já kaaos vyeimih láá taan ive vuod ittáám ruávásávt.

Jeesus peerâ patârij Egyptân. Maangah ukrainaliih láá patârâm taan ive Suomân. Mottoom ääigi tassaaš viettii ukrainalii patâreijeperrust Suomâst kastâjuhle, kuus eeči poođij Ukrainast suátiradostuvâst já maacâi oppeet ristjái maŋa piäluštiđ päikkienâmis. Eellim já jäämmim lijjii taan perrust alda nubijdis, tego Matteus juovlâmuštâlusâst-uv.

Uhkekuuvijn peerusthánnáá Matteus juovlâmuštâlusâst-uv puátih juovlah. Tietteeh täidih Jeesus luus já enâmân koomeerdmáin adeleh sunjin pyeremuid skerjkâidis. Pestee Jeesus lii šoddâm. Sun puáhtá vááimun ráávhu kaskoo rávhuttes maailm.

Juovlâi pärni sivnedus tuu já tuu vááimuvuálái juovlâid.

Oulust ovdláhháá advent 2022

Jukka Keskitalo
Oulu pispekode pispe